

BOOM! BOOM!



Tunnelbau 2. Röhre

Dr Buu vo dr 2tä Röhrä, der isch voll im Gang

Und d Geschner mend halt erträgä der Bustellä-Klang

Wenn äs wieder poolet und ds Huus tuet zitterä

Tüend gwissi Liit ihri Chance witterä

Ob SRF, Urnerzitig oder im Blick

Mediäpräsenz git halt scho ä gwissä Kick



NEUE
URNERZEITUNG

Blick



Wenns wieder knallt, und das nur ganz churz

Isch es ä Sprängig oder ä Eichhörndli Furz



Am Morgä, churz vor dä 8tä isch äs im Geschner Tal

Es dämmeret, bald chunt dr erschti Sunnästrahl

Plötzlich e Knall, mit dr Ruäh isch äs verbie

Das isch ä Morgägruess vom ASTRA gsi



Schweizerische Eidgenossenschaft
Bundesamt für Strassen ASTRA



**Wenn dich dr Bustellälärm ds Geschenä tuät plagä
Het dr Lälli ä Lösig, muesch nit verzagä
Tuä dr doch id Ohrä stopfä
Vo dr SUVA die gälbä Gheerschutzproupfä**



**Wer ist schon wach bei Nacht und Wind
Es ist nicht der Vater mit seinem Kind
Er hat den Dezibelmesser fest im Arm
Macht eine Lärmmessung mit viel Charme**



**Hat Sorgenfalten in seinem Gesicht
Hört ihr denn die Sprengung nicht?
Der Schall breitet sich aus wie im Schweif
Die Druckwelle hämmert durch den Nebelstreif**



**Das war zu früh, was geschieht mit mir
Das hat Konsequenzen, das garantier ich dir
Wie ein Tsunami an einem ruhigen Strand
Vibriert es durch sein Morgengewand**



**Liebe Göschner, hört ihr es denn nicht?
Das war nicht das, was das ASTRA verspricht
Den Vorschriften sind sie wohl nicht gut gesinnt
Protokoll nachführen und zwar geschwind**



**Die Lösung ist in letzter Not
Eine Anzeige, die führt zum Sprengverbot
Jetzt lassen wir Justizia walten
Auch ein Bundesamt muss sich an Gesetze halten**



Jolgang von Flöthe

Die 10 Weisheiten des Alain Berset:



Wenn dir wegen Krankenkassenprämien ein Loch im Konto tut klaffen
Musst du dir einen zweiten Job suchen und halt mehr schaffen

Mit Corona ist nach wie vor nicht zu spassen
Darum musst du die Booster-Booster-Booster Impfung machen



Wenn dir gegenüber jemand respektlos tut
Kauf dir einen Mafioso Hut



Wenn ein schlechtes Wahlergebnis dir um die Ohren knallt
Erhole dich doch kurz im Schwarzwald

Wenn du musst Innenminister bleiben
Tun dich deine Kollegen nicht leiden



Hast du Hunger und auch Durst
Gönn dir es Rivella und Röstli mit Bratwurst



Bist du in der Schweiz im Seich
Mach einen Ausflug mit Flieger nach Frankreich

Tun dich finanzielle Sorgen plagen
Musst du ab jetzt die Karin fragen



Wenn das Stromnetz kommt zum erliegen
Kannst du Albert die Schuld in die Schuhe schieben



Zu einem schönen Mafioso Hut
Steht dir «Figg den 19er» T-Shirt gut



Was machen unsere Bundessaläte? (Teil 1)



**Dr Ueli National het „kei Luscht“ meh gha
und tuet dr Bundessalat endi 22 verlah
Jetzt chan er dr Azuug i Chleiderschrank riärä
und ohni schlächts Gwissä ds Trychlerhämlä montierä**



**D Simonetta Tortaruga het au ä Bombä zündet
und ihrä Rücktritt us dr Regierig verchündet
Dr Grund drzue temmer alli verstah
Viel Glück und Gsundheit ihrä und ihrem Maa**



**Alain Libertee üserä Gesundheitskanischer
Cha langsam versorgä das Corona-Pandemie-Regischerter
Doch besser wirds nit, denn näbscht sinä Affärä
Muess er nu die hochä Chrankäkassäprämiä erklärä**



**Dr Ignazio Catziss tuet sis Ussädepartamänt bhaltä
Und cha so witerhin d Meinigä über d EU spaltä
Dr Grund isch iis klar, da temmer druf wettä
Är wott au witerhin mim Fliger i dr Wältgschicht ummä jettä**



Was machen unsere Bundessaläte? (Teil 2)



**D Viola Amkochherd blibt im Militärdepartement am Stüür
Muess sich nimmä aloosä „die Fliiger sind ds tüüür!“
Ahnschienend het sie das guet gmacht i dem Verhandligspiel
Denn die Diitschä zahlet für d F35 doppelt so viel**



**Dr Guy Parmesan muess verchündä schlächti Kund
Denn i dr Wirtschaft laift es gaar nit rund
Dr Lälli hets scho mal gseit, es bliibt dr bii
Jetzt chemet d Nachweehä vo dr Corona Pandemie**



**Karin Knaller-Utter übernimmt etz niiw d Finanzä
Ihrä isch es aber nit zum singä und zum tanzä
Sie wird bald messä ä Bombä zündä
und de Schwiizer e grossä Sparkurs verchündä**



**Dr Albert Härdöpfelstock isch niiw im Umwältdepartemänt a dr Macht
Und het die Grünenä etz scho zur Wiisgluet bracht
Liebi Grüeni, lähd nä doch zerscht la schaffä nach denä Wahlä
und tüend nit scho jetzt dr Tiifel a d Wand malä**



**D Elisabeth Grotzä-Schniider brchund ds Justiz Ressort
Het bi ihrer Wahl für ne Überraschig gsorgt
D SP isch sich derä Sach ds sicher gsi
Aber ds Parlament will kei Baslerä, es bliibt drbi**




Sozialdemokratische Partei
der Schweiz



Gemeinde

An der Gemeindeversammlung, man glaubt es kaum
Tritt ein Baum eine grosse Diskussion vom Zaun
Die Fichte, die steht beim Schulhaus im Eck
Soll bald machen in die Wasserleitung ein Leck
Weil sich das Wurzelwerk ausbreitet im Boden
Muss man den Baum in absehbarer Zeit roden
Doch gewisse Leute glauben das kaum
Bietet doch der Baum für Tiere Lebensraum
Nun fragt sich der Lälli, was ist denn der grössere Albtraum
Kein Wasser oder kein Vogelgezwitscher im Baum?



Viel Liit sind im Dezämber a dr Gmeindsversammlig drbi
De nach derä ladet dr Griffel zum Landratsapero ii
Die Versammlig duret, es wird relativ spaht
Drna het dr Wädi es ergiebigs Aperro parat
D Liit verchöschiget sich, d Ziit hends vergässä
Plötzlich heisst äs, äs het weder ds Trinkä nu z Ässä
Alles Gueti am Walti und viel Wohlbehagä
Mr hoffet, dass är nachem Aperro nit am Hungertuäch muäss gnagä
Aber Wädi, mit ä chli liaz und Willä
Tüend sich de Gfriirschränk nach dr nechtschä Jagd scho wieder fillä



Wotsch dass d Gmeindversammlig lang gaht und wird kult
De lach Künstler vom Chalet 5 a z'Rednerpult

Z'Geschenä heisst äs Strom sparä - s'blibt drbi
 adä Strassälämpä – Stärnä – tent hiir ä keini sy
 und ai d'Cherzä ufäm KWG – das isch ä Wahrä
 tent sie sich de das Jahr sparä
 ufäm Bahnhof – uf dr Büstell – hed äs aber Liächt vill z'vill
 meinsch immer dett sig grad äs Fuässball-Länderspill
 aber villicht dänkt epper – z'Dorf brücht kei Belichtig – sparä chasch ä derä Stell
 denn grossmehrheitlich isch d'Bevölkerig ja zimli «hell»



Ä niiwä Gmeindsarbeiter hemmer ja ai gwunnä
 Am Spetzi megemer diä Stell de gwiss gunnä
 D Arbet idr Gmeind wird verrichtet wiä am laifändä Band
 Will diä zwe Kumpels so schaffet Hand in Hand
 Aber dr Lälli weiss epis, was iär nu absprächä mend
 As iär sicher nid zur gliichligä Zit Feriä hend



Ä Wintervorrat zuächänä isch ä guäti Idee uf jedä Fall
 Mä cha nid gnuäg im Chäller ha, das wisset all
 Nur wens um z Holz gaht, gend d Meinigä üsänand
 Ä Teil steerts nid, fir diä Andärä isches allerhand
 im ganzä Gmeidsgebiät, Spürä grossi und chlini
 diä Meischtä wissets, äs sind am Gerig Marcel sini




Wäg üsmeiä machet Gmeindsarbeiter gärä
 Allä Ortä diä Escht und das Gras zruggschärä
 Ä Tipp a Spetzi, blib ufem Wäg, mäih nid z Wit üfä
 Süsch chund dr de dr Zachi z Schnüfä
 Drum das Zitat:
 Wenn dr Zachi im Regliberg wottsch gseh siidä
 Muäsch mit Meiä nid unbedingt ufem Wäg blibä





BERGGASTHAUS DAMMAGLETSCHER GÖSCHENERALP

**Ds Altersässä isch immer ä gmiätlichä Alass
Zämähöcklä und diskutierä, das macht doch Spass
Dass mä alli Beizä wett berücksichtigä temmer verstah
Drum tuet ds Altersässä ai mal id Kantinä gah
D Suppä, ja die chunt scho bald
Dr erschti Biss, die isch ja chalt!
Ai dr Rescht vom Ässä isch nit warm, es blibt drbi
Am wärmschtä vo allem sig nu dr Salat gsi**




**Ds Altersässä ufem Damm, würd sich fürä Wirt lohnä
Är seit aber ab, es siged ihm ds viel Personä**



**Dr JJ seid: «Ich säg's nitt gärn
mängisch blibt diä Färnwermi miner Wohnig zimli färn!»**



**Um 19:30 die Kirchengemeinde beginnt
Das Glockengebimmel auf die Versammlung einstimmt
Kommt das der Therese wie bestellt
Es wird zuerst ein Vater unser gebellt
Dr Lälli weiss nicht, wen er da soll loben
Ist es Zufall, Kalkül oder ein Zeichen von Oben?**



D UR(i)hütte, bekannt für künstlerischi Gstaltigä
 Verschickt ä Flyer i alli Huushaltigä
 Ä liladig zur Eröffnig, ganz Famos
 Mit bewegtä Bilder usem Geschner Kosmos
 Zeigä wend die Künschtler ihres Talänt
 Am Sunntig 27. Dezember, 1. Advent
 Doch bi dem Datum wo da staht ufem Flyer druf
 Gaht irgend eppis nit ganz uf
 Dr 27. Dezember isch kei Sunntig, sondern ä Zischtig gsi
 Und dr 1. Advent dr 27. November, es blibt drbi



Ab Januar gitts für Kinschtler Kursä frischi
 Womä lerni, wiä mä Farbä (und nit Datä) vermisch



Gmeindsversammligä sind immer guät bsüächt
 Immer ai dr eint oder ander Geschnerälpler, wo sich ä Platz suächt
 Ai wenn diä hindärä Reihä Stiähl dr Näf wurdet lockä
 Muäss är mim Käri wemmä z spat chund halt chli vorä gah hockä.
 Aber was stert nu meh as äs Hundebällä
 Wenn am Waldemar sis Natel wäret dr Versammlig tuät schällä



Bim Schwingfäscht sind immer eppä diä Glichä wo eppis tend spändä
 Drum dänkt sich dr Verband, da chemmer ja d Lischtä vom letschtä Jahr verwändä
 Bim abbäläsä vo denä spendablä Liit
 Isch ihm schier d Wurscht zum Muul usäghit
 Dr Tresch-Gimmel chas nit fassä, frisst schier ä Bäsä
 Als Gmeindspräsi tend si nämlich immer nu dr Cavaletti abbäläsä



Axenstrasse



Wenn dr Schädler Beat am Morgä friäh am Bahnhof stahd
Und mitem Zug uf Brunnä ad Arbet gaht
De weiss jedä, dr Beat het kei anderi Wahl
Im Gumpisch sind wieder einsch Stei ids Taal



Wenn der Axen ist wieder mal zu
In Sisikon herrscht grosse Ruh
Die Züge, die sind übervoll
Kein Pendler findet das so toll
Ausser ein paar Primitive
Vielen Dank der Alpeninitiative

Göscheneralp

Sand firä Bodä underder Holzbiigi brücht dr Waldemar
packt Chesslä und Schüflä, natirli mim Aito isch ja klar
D Chesslä de gfillt und iz Aito griärt
Äwägfahrä wird schwierig wemä ufärä Sandbank parkiärt
Was macht mä i derä Situation zur Not
Mä holt dr Abschleppdiänscht Mattli Gläus iz Boot
nach mehrerem probiärä per Telefon und äbättä vu Tyyfel und Häx
nimmt dr Gläus ändlich ab und chund mit sim 6x6
Schlussändlich d Närvä blank und agspannt wenä Bogä
z Aito samt Waldemar mit Schüflä und Chessel üsözogä
Fir z negschtä Mal, wens widr sett rickä
am Beschtä vu Afang a dr Gläus schickä



Jedä weiss wiä schen ases isch, inä Badwannä z liggä
Wens pollt und jedi Bewegig schmärt im Riggä
Gäh tuät äs fir id Badwannä allerhand fir Mittäli
Vu grossä bis ai ganz chlinä Bitäli
Äs git derä wo fascht ä Tübä brüchet, bi miiner Seel
Nur Christof, nid unbedingt Perskindol-Massage-Öl
Ai idr Geschneralp wird mä Läsä chennä
De hätts dich nid nach 2 Minutä am ganzä Kerper afä brennä
Drum meint dr Lälli, am Afang dr Badmantel umbindä
richtig läsä und as Allererschts ä Chrummi azindä



Einesch mit dä Saugoofä Silväster fiirä
Bi derä Grosszigigkeit sicher kei tiirä
Aber epis wettet miär drzuä glich nu sägä
Äs siget de drnah all 2 Täg flach glägä
Nid wägem Singä oder zvilem Tanzä
Näi, wägemä gherig durmischtä, komischä Ranzä



Dr Betschart Philipp, einä vu dr Saugoofäklickä
Tuät ufem Parkplatz vorem Felsäheim churz inickä
Är traimt vum Veh und vum Heiw üfladä
Verwached mit Schreck, meint är sig im Gadä
Laht z Aito a und tuät im Tusel dr 1 Gang innä
Fahrt iz Christofs Aito, muäss sich hindersinnä
Ja Philipp, äs lit vermuätli da dra
Dass im Gadä grad üs, gnuäg Platz hättsch gha




Dr Näf Christian, im Summer vil am umähetzä
Uf Abfrutt fahrä, z Aito schnell idr Strass la, und Tirä zuhäschletzä
Si Bus staht de aber nid lang am richtigä Ort
Will äs gaht chli länger, äs isch ihm ä Geissbock fort
Dem Bock nachä, z Natel leider im Bus glah
Gaht nid lang, tuät z Poschtaito hinder dem Bus stah
Ä Kolonnä giz de gli drüfapä, fänt afä Hornä i dem Stai
Dr Näf laht dr Schlissel immer lah steckä, dass weiss dr Gläus gnai
macht zum Glück nid lang, stellt der Geppel a Strassäränd
aso grad z Poschtaito üfhaltä isch de doch allerhand



Campä ufem Jäntelbodä fir vili unverzichtbar
 Keis Wunder bi derä Umgäbig isches ai wunderbar
 Das Jahr im Herbst tuät jedoch diä Zältplatzidyllä chli liidä
 Will hir mag äs nämli nurnu äs Brätt zwei undärärä Blachä verliidä
 abbüwä wird vorem Winter wiä wild
 Bänkli, Grillstellä als äwäg, chli äs ughohnts Bild
 Dr Lälli hofft dass negscht Saison trotz denä Strapatzä
 Doch nu dr eint oder Ander hindärä mag, mit Zält und Matratzä
 Jedoch bim Büwä vu eignä Sachä, Rücksicht uf diä Andärä nä
 de chas fir alli wiedr ä scheni Campersaison gäh



Alli Zitigsbrichtä vum Konrad mag mäh chüm meh zellä
 Sicher ai diä ganzä Fragä wonär sich het la stellä
 Vili Fotänä het mäh idä Magazin sicher ai gfundä
 Und äs jedesmal der hellbrün Fäldstächer umbundä
 Ai letschtens im Beobachter bisch dinnä gsi
 Z Alice meint nur, gresser hätts de nid messä si





Diä Jeger...



«LaGrein»

Wein-Degustation auf höchster Ebene

Nach erfolgreicher Jagd - auf dem Seelisberg – am Abend nach den Vieren, zwei Spitzenjäger, dr Viz und dr Kurti, bereiten sich vor, um einen Spitzenwein zu degustieren.

Blumiges Bouquet, feinwürzig, harmonisch und vollmundig soll er sein. Mit ihren empfindlichen Gaumen erkennen die beiden Jäger sofort jeden Wein.

Wein aus Spanien, Australien, Südtirol – es muss sein ein guter Mix. Dr Viz und dr Kurti sind überzeugt, ihre Jagdkollegen verstehen vom Wein überhaupt nix.

Viz, der beste Treiber – bei einer Olympiade würde er sicher die Goldmedaille heben - ist überzeugt, auch beim Wein-Degustieren würde er zuoberst stehen.

Die Jagdkollegen, zugegeben, manchmal ein bisschen fies und ranzig, kaufen nun beim Volg einen Wein für 3 Franken zwanzig.

Die Wirtin – ein bisschen verlegen – füllt nun diese Flasche ab ins Original. Nun dürfen die beiden degustieren und raten - es bleibt ihnen die Qual der Wahl!

Ihr Kommentar: Das ist der LaGrein, ist vorzüglich, süffig und gehört zu den Besten! Jetzt kommt die Prüfung: Das Original steht nun bereit zum Testen.

Viz und Kurti: Der zweite Wein ist nicht so schlecht, sollt' sein ein bisschen kesser. Der erste aber, der LaGrein, ist spritzig, aromatisch, süffig und viel, viel besser!


Vor lauter Lachen können die Kollegen ihre Bauchmuskeln kaum mehr bewegen. Die «Weinkenner» aber schauen sich an, sind perplex und sehr verlegen.

Ein Weidmannsdank, den beiden Weinkennern für diese Story aus unserer Sicht. Noch oft werden wir sie hören, diese feucht-fröhliche Jäger-Gschicht!




Diä jünger Generation...


Dr Spetzi und dr Römä mend äs Sofa go abholä gah
Sie gend uf Luzärn - natirli mim Ahänker am Aito dra
Ja, susch sind ja diä zwei vom Fach
Aber Läsä isch halt nit jedermanns Sach
Bim Möbelhus fahrets nit eppä i d Ifahrt innä
Sie verwitschet d Usfahrt - äs isch zum Spinnä
Ja scheisse, ez settets irgendiä der Charrä chehrä
Sie sind aber nur am lachä - chend schiär nimmä heerä
Na hends de aber nimmä viel umägstudiärt
Und der Charrä wieder us dr Miserä manövriärt
Dr Lälli meint: Am beschtä äs Blinkischild a d Ifahrt montiärä
Dass ai dr Spetzi und dr Römä wisset wo parkiärä



Mit dr Yvonne ihrem Aito fahrt dr Christof bim Salbit i Gartä
will Gmiäs ga holä – z'Moni tuät scho wartä
stellt z'Aito a Strassäränd bim Gartä unnä dra
schliässlich will är nit z'wyt ga
wonär abbäluägt – äs isch nitt g'logä
hed ä Chuäh grad d'Gloggä iber d'Chiählerhubä zogä
d'Yvonne isch ihrem «Liäblingsbriäder» (sie hed nur ihn!)
nid bees – meint nur: «Frisch spritzä hed kei Sinn
schliässlich isch das Aito zimli alt!»
und dr Lälli meint etz halt:
Glick im Unglick – seid mä dem doch äbä
denn wurdet dettä Elefantä läbä
wär z'Aito ganz verlorä gsi – hätt alls nyd g'nitzt
diä hättet diär diä «Mili» grad id d'Ris doch g'schitzt
und – ja im Nachhinein simmiär ja alli gschyd
... äs gäbt ä g'schitztä Parkplatz uf dr Grit



Ihsärä Spoon-expert vu Geschänä kännet mittlerwiilä fascht all
Oder süscht sicher amänä Fäscht ghertmä nä uf jedä Fall.
Aber Silvan, ai wenn d Fisch immer a Land musch holä
Luägsch negschmal, nid as widr sälber wiänä Karpfä tuäsch dritrohlä



**D Nahla hed miässä zum Grosi uf Wassä,
dr Jascha wott fahrä, kei Fahrstund verpassä.
Wos wider zrugg in Göschenä sind,
lyyted de äi scho z Telefon gschwind.**



**D Schuelthek und zTurnziig sind bi all dem Gstress nid mit uf Wassä,
alls wird zämägsuecht, is Aito griärt, dr Beat intressiarts ä kei Blassä.
Wider in Geschenä hed d'Vera d'Händ verriärt,
dä Dädi hed wider nur am Wii umagschtudiärt.**

**Jetzt sind iähr vergäbä scho 2 Mal uf das Wassä gfahrä,
derbi hender de falsch Schuelsack mitgnu, iär rahrä.
Uf Wassä fahrt dr Jascha nu einisch mit der Kia Garrettä,
nu einisch ä drittä Versuech, um diä Miserä chennä zrettä.
Aber me derf bi derä Vergässlichkeit nid reklamierä,
so hed dr Jascha sicher nach drii Mal glernt iparkierä.**



**Dr Janick Walker hed vu irgendwo ä Chrischtbaim ibercho
siner Frindin g'fallt der Grotzä nit äso
tags druf bringt epper de dr Frindin einä
«Ai keis Superbaimli!» tuät dr Janick meinä
und seid: «Etz hemmer zwee Baim – das isch bleed...
...doch macht ja nyd – ich schmickä beed!»**



**Zoe schaffet – dr Vivian het fry und wett ga fischä ga
gaht zur Wohnigstirä us – und tuät im Gang scho stah
Ruätä – Rucksack – Feimer alles hedr – isch beladä winäs Ross
da ghit d'Wohnigstirä hinder ihm ids Schloss
etz tuät är nimmä innä cho**

**alli Schlissel sind etz hinder derä Tirä – s'isch äso
«Etz wird's kompliziärt» merkt dr Vivan de da, tuät iz Bistro zersch zur Mammä ga
diä git ihm dr Schlissel fir ihres Aito – das tuät klappä
mit dem fahrt är zum Vater appä**

**i dr Betonlag – g'find är dr Raini irgendwo
der hed sin Ersatzschlissel – dr Vivian isch froh
de wider üfä – dr Muätter ihres Aito bringä
ohni Zwischäfall tuät alles g'lingä
fasch zwe Stund sind vergangä da inzwischä
etz syn Aitoschlissel i dr Wohnig holä – de chad är ga fischä
aber zu dem ganzä Gschtirm – da passt äs gwiss
dr Vivan isch fif Stund am See - är hed KEI BISS!!**



Dr Billy luägt bim Poschtä nu umä de ä bitz
 g'seht im Celophan verpackt – Melonäschnitz
 dri Päckli nimmt är mit de da
 will är weiss – d'Vanessä tuät diä gärä ha
 und afänglich hed de diä ai Freid
 bisst dri – de hed sie «Wäähh...» nur g'seit
 lacht - meint: «Chli besser luägä wurd-si lohnä
 das sind Chirbisschnitz – und nitt Melonä!»
 zum Glick cha d'Jolanda z'Hospäital ja sehr guät chochä
 am andrä Tag git's Chirbissuppä ganz ä Schochä



Endlich isch das Corona-Chaos z'Änd
 Dr Lisi, Sven und Manu stend ufem Gampel-Gländ
 Z Itrittsbändäli luäget sie de ä chli schräg a -
 VIP - tuät det i grossä Buächstabä stah
 Ja der Steiner der Held
 Het wieder einisch z lätzä Billet bstellt
 Diä drii fühlet sich wiä d Königä i dem VIP-Bereich
 Aber 23 Frankä firnä HotDog isch de glich ä chli ä Seich



D'Zoe und dr Vivian sind zämäzögä – alles wunderbar
 doch Umstelligä git's halt – das isch klar
 dr Vivian verwachtet z'spat am zweitä Tag – ja das tuät stimmä
 Wecker keinä – z'Moni wecktä nimmä
 halb im Dunklä leid är sich de a
 wett d'Zoe nitt steerä – wo nu schlafä cha
 rächtzytig tuät är bim Raini bi dr Betonlag de si
 der merkt: «Isch äs bitzi duränand dr 'Chli'!»
 Dr Vivian seid sälber: «Ha chli z'vill pressiärt das g'spiri
 und diä pinkä Sockä wo grad a-luägsch – sind dr Zoe ihri!»



Der Bissig Sämi laht Benzin iz Aito a dr Tankstell

Holt sich na nu grat äs Kaffee schnell

Z Kaffee het är zahlt - das isch äso

Nur z Benzin isch ihm de nimmä i Sinn cho

Ja, äs tuät nit lang gaa

De het är eini am Telefon dra

"Herr Bissig, das gilt ai für Sie

Är choschtet epis, der Bliifrii!"

A dem Grücht, dass ä Schächätaler guät stählä cha

Isch meini glich äs Fünkli Wahrheit dra



Ja, äs wird z eint oder ander Biär trunkä a dä Ambri-Spiel

- mängisch de halt schiär ä chli z viel

Tipp vom Lälli: Nachem Spiel uf z WC gah

Susch tender de wiä dr Sven schlächt da stah

Wägä sinerä schwachä Blasä

Hend sini Kollegä fasch messä dur z Gotthardtunnäl rasä

Immer nervöser ischer wordä i dem Aito innä


Pletzlich het är gseit: Äs längt nimmä!

Doch schlussendlich - miär sind gottäfroh

Isch är doch nu mit trochnä Hosä heicho

Sven, bevor dr negscht Mal äs Malheur tuät passiärä

Tuä du gschiider ä PET-Fläschä im Aito deponiärä



Ä chli witter unnä...



**Jeden Sommer – wir fühlen mit euch sehr
versinkt halb Wassen im Verkehr
ihr trefft euch dann zum Protestieren
auf dem Zebrastreifen hin und her flanieren
doch diese Tafel – nehmt sie weg – sie tut nicht passen
«Willkommen» ist dann niemand doch in Wassen**



Dr Stelli Urs fährt dur z'Wassner Dorf – gli tuät är blinkä
gaht zur Gina äs paar Kaffee Crème ga trinkä
wott de witerfahrä – hed jedoch oh je – oh je
bim «hindersi – usä» glatt äs Mirli iberseh
und wiä mä weiss: Dr alti «Wassnerschtei» isch zäch
vill herter halt als Mitsubishi-Bläch
drum meint dr Urs: «He gwiss das isch ä Wahrä
trinksch z'vill Biär - terfsch nimmä Aito fahrä
aber Kaffee Crème – chentsch nu bedürä
wirsch so nervees - streifsch gwiss ä Mürä...!»
Drum Geschner Junglänker – vum Lälli ä scheenä Gruäss
wenn iähr eis ga trinkä wend – am g'schidschtä z'Fuäss
nur Sven – Elias – vor allem am Samschtig – isch scho schad
diä negshti offnig Beiz wär z'Andermatt



**Wassä hed ai sini Sergäli im Gmeindrat
 richtig oder falsch, das isch nu gärä ä schmalä Grat
 aber wemmä will asäs gherig faht afä pohlä
 gaht mä dr bescht uf d Schtrass gah Unterschriftä iholä
 drfir oder drgägä ,wichtig isch was mäh het wellä
 as Wassä ä frischä Präsident tuät stellä
 d Wahlä sind durä, mäh isch zfridä insgesamt
 dr Lälli wyscht guäts Glingä und vil Freid im Amt**



**I jedem Dorf ä Schuäl ha, das isch klar
 fändi ai sicherlich jedä wunderbar
 Geschänä het sofort ihres Schuälhus gsaniärt
 Leider isch z Wassä i dem Fall z wenig passiärt
 Liäbi Gmeind Wassä, äs wär gsi kei Schand
 Hätti mä ä Frankä zwe meh gnu id Hand
 Jetzt besserets ja glabi, mäh änderet d Dänkwiis und z Verhaltä
 Asmä ja diä Schuälchind cha holä und z Wassä bhaltä**



**Stromsparä uber d Wiähnachtszyt
 Beschäftigt das Jahr alli Lyt**




**Zum Glück wird aber nid grad uf diä ganz Beliichtig verzichtet
 Dr Christbaim derf im Dorf stah, dass nid diä schentscht Zyt wird vernichtet
 Ai z Wassä chamä da nid motzä
 Staht nämli ai det dr Wiähnachtsgrotzä
 Nur wird mä bi dem Baim sicher nid Blindä
 Will da drfir settet de scho all Lämppli zindä
 Liäbi Gmeind Wassä, äs Bispil nä am Calcagni-Baim
 So gross, so schen, so hell, äs isch ä wahrä Wiähnachtstraim**



Wenn im Summer gfahrä bisch uf Wassä
Hesch es z'Wattigä chuum chennä fassä
Det hesch chennä gseh ä riesä Bustell
Gits ächt detä äs Hotel?
Nei, dr Calgä tuät umbuä sini Villa
Ä Gressi wiä fascht bidr Königin Camilla
Dr Marco und d Tanja sind in Ekstasä
Sie hend jetzt ä eigeti Wellnessoasä



Ai z Wassä passiäret underem Jahr Sachä
Mängisch ai dertigs wo nid isch zum Lachä
Dr stärchschi Wassner tuät z Diedä dr Ahänger parkiärä
Der schafft das ai ohni z plagiärä
D' Handbrämsi tuät mäh nid ziäh am Anhänger
Liäbä Buumä Markus, hesches de halt schtränger
Dr Ahänger idr Leitplankä, isch nimmä scheen
Mä derfä nid unterschetzä, der lappi Feen



...nu witter unnä...

Bergheim: Tuät dr Wirt immer nu abwäschä?
Oder isch er am Stammtisch anärä Fläschä?
Feld: Im Friählig tuäts wieder uf
Hoffentlich hents dermal ä längärä Schnuuf
Sternen: Äs läuft ä so we immer
Aber sind gli alli Ukrainer i dä Zimmer?
Gotthard: Nach vielä Jahrä isch jetzt z Hotel zuä
Darum hents jetzt vom Lechmann bis zum Vögi Ruäh



Hit zu Tags, äs isch äso
Isch jedä umnäs Navi froh
Doch d Gurtnäller Fiirwehr tuäts nid so begriässä
Wenn forzuäh Usländer tend d Waldistrass apäschiässä
Aber sie rucket üs, epä gah hälfä ä bitzi
Z vordersch dr Kilian seit, da ganich grad mim Metraco nitzi
Vorcho isches scho etliche Mal, s glaubt einä äläi nid
Nur sind das halt nid Gurnäller oder hiäsigi Lit
Epä ä Pariärä anäriärä oder ä grossi Tannä
Will znegschmal chämets de vilicht nimmä, diä guätä Fiirwehrmannä



Germanys Next Wirt

Im Wyler z Wirt gehen und eins schnappen
Tut im Sternen leider nicht immer klappen
Früher wars besser bei Märy und dem Walti
Die Beiz immer offen und Bierli ganz chalti
Das alles hat sich geändert und glaubt mir
Heute kann jeder Trottel ausschenken ein Bier



Der Sternen kann davon ein Liedchen singen
Tut doch den Hobbywirten gar nichts gelingen
Eine grosse Klappe haben, das ist schnell bekannt
Total überfordert mit Gastro, Leuten und dem Land
Eine weisse Stretch-Limo war der grosse Brüller



Eine Disco im Familienhotel- der nächste Knüller
Auch die Polizei war da- sie den Gerüchten glaubt
Weil nicht alles so war, wie es das Gesetz erlaubt
Plötzlich und ohne Skrupel ist zu- welch ein Mist
Weil die hübsche Wirtin grad mal verschwunden ist



Weg aus Gurtnellen in einer Nacht und Nebel Aktion
Samt halbleerer Kasse verweist als letzte Reaktion



Die Übernachtler stehen dann vor verschlossener Tür
können da am wenigsten für die Misere etwas dafür

So ging eine weitere Episode von Germanys Next Wirt schief
Und hoffen dass man jetzt nicht nur bekommt einen Digestiv



Sternen Ukrainer

Die Presse wieder voreilig – schlecht wurde recherchiert

Die Beiz wird geteilt – einfach schnell mal halbiert

Denn der Sternen wird zum Asylzentrum umfunktioniert

Und die neue Eichhof Reklame subito wieder abmontiert

Selbst die Gemeinde wusste nichts davon, was da passiert

Der Kanton, das Rote Kreuz und der Wirt- alle konsterniert

Die Gerüchte gingen umher – das wurde nicht toleriert

Weil die Zeitungsmeldung hatte ganz schnell pressiert

Gurtnellen und Flüelen wurde verwechselt- garantiert

Es gab viel Getratsche – es wurde darüber philosophiert

Eine Presseente kann mal vorkommen – Buchstaben frisiert

Doch warum hat keiner die Fake-News mal richtig dementiert

Eines ist sicher und das wird von den Einheimischen honoriert

Der Sternen bleibt offen - weiter wird Hobby Gastro zelebriert



My Buxi



Liebe Göschener haltet euch stets auf der Hut
Es kann sein, dass euch die AAGU auch nicht tut gut
Plötzlich ist Schluss - kein Bus fährt dann mehr hoch
Weil in der Billettkasse klafft ein riesengrosses Loch
Gurtnellen hat das erlebt auf eine Weise ganz legal
Der Kurs wurde ersatzlos gestrichen- ist uns doch egal
Die Gurtneller sind einen Schritt weiter und im Klaren
Man könnte dann mit My Buxi auf die Alp hinauffahren



Gotthard Sisters

Drei Jungfern machen nun definitiv Schluss
Die Luft bei ihnen ist nach 40 Jahren jetzt duss
Gekocht war immer lecker und phänomenal
Beim Service haperte es das eine oder andere Mal
Willkommen war aber auch nicht jede oder jeder
Ob Regierungsrat, Promi oder einfacher Jäger
Vielleicht gibts nun eine Doku Soap, wie famos
Mit Greta, Lona und Eva und dem Butler Oski Gnos



...fascht zunderst...



I dem Jahr ischer widr gsi fir All
Dr witemä bekannti Stäger Maskäball
Ai dr Furger Beat derf det nid fählä
Muss sich ai det epä z Eint oder ander Biärli erstählä
Statt heigah Mitsingä und Johlä
Giz äs starchs Schwankä und Umätrohlä
Mit ämä üsgräntkä Düümä und obem Aig ä Schnattä
Stah ä de mehreri Täg idr Schmelzi nid uf dr Mattä
Eis zwei weniger täts vilicht hiäntah ai
Will das wo eim im Wäg stah, gsächti mä de ai gnai



Ä Grossvatter z'Altdorf chad d'Wält halt nimmä rächt verstah
denn am Wiähnachtssunntig hend d'Schattdorfer Chatzämüsig gha
är schittlet nur dr Chopf und seit zum Gross-Chind gschwind:
«Schattdorfer g'hiät vill usem Rahmä – obwohls nu niä im Bild gsi sind!»



Wenn dichter Rauch aufsteigt in der Urner Talsenke
Dann brennen im Rynächt wieder mal Kühlschränke





Fasnacht



Dr Narräblattverchaif 2022 tuät nit optimal laifä
I dr Breiti hesch z Wassner Narräblatt vorem Lälli chennä chaifä

All Jahr am Schmudo isch äs ds Motto
Es git am Mittag Wirschtli mit Risotto
Doch allnä chames eifach nit rächt machä
«Immer ds glichä!», «Ds chalt!» äs isch zum lachä
Drum churz und bindig zämäfasst
Blibet doch daheimä, wennis iich nit passt!



Gueti Unterhaltungsmusiker diä sind afig raar
Aber ohni Livemuusig isch es keis Fäscht, das isch klar
Ds Duo Traumstern sell für Stimmig sorgä
D Liit la tanzä bis am friähä Morgä
Si hends ja nit schlächt gmacht, das memmer scho gseh
Aber ich glaube nechscht Jahr wemmer e chli meh
E Tipp am Fasching, es wär ä Altbekanntä bereit
Es Petzi Revival wär nechscht Jahr agseit



A dr Fasnacht muss ai immer widr fir Nachschub gsorgt wärdä
Zum Glück hemmer ja dr bescht Präsident uf Ärdä.
Der macht nid lang und gaht de grad sälber ga poschtä
Nur wenn mä z läärä Portemonnaie mitnimmt, derfs de scho nid zvil chostä



Strassenverkehr

Dr Willi und d Erika trinket beidi gärä Wii
Redet und lachet viel drbii



D Iladig vo dä Elterä vo dr Sina nämet sie gärn a
Sie gend mit eim Aito - z ander lends z Erstfäld la stah
Sie holets de, wenn sie wieder heifahrä tend

Das wär d Plan gsi, wo sie abgmacht hend
Äs het ä schenä Abig Gä mit feinem Ässä
Heifahrä cha naa keinä me - chasch vergässä



Keis Problem, seit dr Willi, dr Charrä lemmer la stah
Mr übernachtet hiä - und chend de morn hei gah

Wieder niächtern gahts zrug uf Geschänä de am Morgä

D Wält isch i Ornig, keinä macht sich Sorgä

Jaa, äs hend leider beidi nit vill studiärt

Mä munklet, z ander Aito sig hit nu z Erstfäld parkiärt



Dr Raini Walker isch ä Kolleg ä tollä

sms-let allnä: Achtung KWG Amstäg – Radarkontrollä

doch ratet einisch wer nach äs paar Stund

genai dett i das Blitzliächt chund?

Alli richtig g'ratä – ja das meini


äs isch tatsächlich dr Walker Raini..



Abwäxlig macht Spass, so blibsch erhaltä
Einesch uf viär, z Andermal uf dri Reder dr Tag gstartä
Scho si Vatter isch immer gsi mobil
etz dr Ernst ufem wyssä Töff, miär meined das het Stil



Dr Pascal Epp – Niwzuäziger – vill Älteri diä kännet ihnä scho
 und diä Jungä säget zuä-nem «Stucki» - s'isch äso
 fahrt ämal id Geschneralp – rächt gesittet – gar nitt wild
 trotzdem verliert är underwägs äs Nummräschild
 däheimä merkt'ers fahrt hindrä – luägt konzentriärt uf d'Strass
 stigt da und dett üs – suächt ai nu chli im Gras
 doch diä Nummrä chund nitt firä – s'isch äso
 dr Pascal hed vu dr MFK ä frischi ibercho
 trotzdem: Jeeger schiäset iähr mal uf dr Pirsch
 ä komisch «g'nummeriärtä» Hirsch
 oder äs Gämschi mit-rä Nummrä zwischet sinä Horä...
 g'heert diä de am P.E. – der wohnt dett bim Siestä vorä



All wissets, d Inflation isch nimmä zrug z ha
 Am eint oder andärä Ort sicher ä Frankä zwe meh messä lah.
 Doch äs lohnt sich de glich hiäntah druber nachäzdänkä
 Ob mä wirkli all Port uf Schwyz üsä cheslet und alls denä tuät schänkä
 Im Bonacher 6a sinds dr Meinig, ginschtiger simmer sicher gsi
 Eventuell... , bi denä fif, säx Gepplä, chennts de dänk nu si.



Feriä tent gwiss a jedem guät
 Einesch chli witer fahrä, brücht ai chli Muät
 Grad vu Italiä unäufä chanäs sich denu ziah
 Sowieso wenn z eget Aito het chli sini Miäh
 Passiärt isches am Nati, miär verzellet kei Seich
 Nachärä Stund Aitobahn diä lappi Temperatur im rotä Bereich
 Dr Pannädiänscht organisiärt ubärä TCS
 Etz giz de hoffentli äs Aito mit chli me PS
 D Hoffnig hätti mäh ja gha, äs isch äso
 Z letscht mit Zug und Taxi sind si de dähäimä acho
 Nati sei Dank hed mä niä messä bangä
 Ai wenn d Häireis 8h länger isch gangä






Dr Grümpel Hausi - mr kännetä all
 Het allerhand Waarä i sim Stall
 Wonär einsch fort wett git är dsviel Gas
 Äs tätscht, er fragt sich , was isch ächt das?
 Etz loset zuä, das isch ä Wahrä
 Er isch hindersi id Maurers Muurä gfahrä
 Am glichä Tag, äs isch zum spinnä
 Fahrt dr Zraggä Ernst i sini Huuswand innä
 Mä seit ja, alle schlechten Dinge sind drei
 Ja was denn nun? Das waren erst zwei
 Dr Dritt im Bunde isch dr Challenger gsi
 Der het dr grescht Schutzängel gha, es bliibt drbi
 Meh Glick het är gha als Verstand
 Verschiasst si Charrä bi dr hochä Wand
 Da chent mä meinä äs müäss ä Fritig dr 13. gsi si
 Mr schribet aber ä Mittwoch 10. Aigschtä es bliibt drbi



Mr kännets all wenn äs Stau uf dr A2 het
 Nu mängä Turischt ds Wassä ab dr Aitobahn wett
 Das i dr Hoffnig, dass är ds Geschenä wieder iifahrä cha
 Tuet eppä diä ä Securitas bim Chreisel stah
 Dr Sinn vo dem Ganzä der temmer nit gseh
 Denn mit Verkehrsdienschd verstopft sich d Kantonsstrass nur nu meh
 Wo isch da dr Nutzä, das fragemer iis
 Nu ds gresserä Chaos zum nä hochä Priis
 Da wär ja ds Winkemanndli nu meh talentiert
 Aber der het ja dr Kanton vor nä paar Jahrä i Giisel griert



Wäg dr Kantonsstrass isch d Aitobahnifahrt ds Wassä zuä
 Mit derä Massnahm erhofft mä sich meh Ruäh
 Der Schuss isch de aber hinnä usä
 Die Szenä womä gseht sind fascht zum gruusä
 Dass äs kei Unfäll het gä und ai Flammä
 D Bilder vo dr Webcam chenntet usemä Hollywood Film stammä
 D Usfahrt wird zur lifahrt, es isch es truurigs Spiel
 Egal ob Aito, Car, Bus oder Wohnmobil



Am Betondani wird dr Diesel ds tiir
 Drum hockt är nimmä am Pick Up Stiir
 Dr Dani seit sich, hauptsach es laift
 Drum het er sich ä chlini Nusschalä gchaift






AIROLO →

Klimaaktivisten

Wer nichts wird und wert nichts ist
Der wird Klima Aktivist



Die Klimakleber haben Sorgen, wenn es ist kalt
Der Kleber hält nicht auf dem Asphalt
Damit ihr könnt retten unsere Welt
Ein Tipp vom Lälli damit es gut hält
Ob Uhu, Sekundenkleber oder Cementit
Nichts hält besser als Araldit



Ja ja, die guten Klimakleber
Sind ja selbst auch keine Streber
Sitzen da in Massen
Und blockieren unsere Strassen
Verhindern den Einsatz der Ambulanz
Verlangen von der Politik Kulanz
Ihr eigenes Verhalten ist ihnen egal
Leere Leimtuben in den Abwasserkanal
Das finden wir schon recht fatal
Das ist wohl eure Doppelmoral



Verschiedenes...

Ä Operation hed dr Dubacher Tini z'letscht Jahr gha
nur langsam tuät's sim Fuäss de besser ga
ändlich chad är z'Öschtriich Feriä g'niässä
isch verninftig – tuät nid umä-schiässä
trotzdem zwickt's ihm eis i Fuäss – äs isch ä Grüs
rutscht bim Spaziärä uf-mä Chuähmischd üs
wärsch gschider id Geschneralp id Feriä – alles klar
denn uf dä Geissäbeenäli isch vill chliner d'Unfallg'fahr




D Anja und d Erika
Wend unbedingt a Wiähnachtsmärcht gah
Doch z Aargai ussä luägets de verwirrt umänand
Wit und breit ä kei Wiähnachtsmärcht-Stand
Gopfärdeli, das gits ja nit
Im Internet heissts, der Märcht sig hitt!
Ja, det tuär zwar dr 8.Dezämber stah
Aber mit dr Zahl 2023 hinnädra
Ja iär beidä, äs isch leider wahr
Der Märcht findet statt - aber erscht negscht Jahr



Ad AGRAMA gand dr Stössel Marcel und dr Gammä Ueli
dett chaifet sie keis Schaf und ai keis Chuähli
doch äs Brilläputzmittel – zumnä Priis – äs isch ä Schand
land sie sich la uf-schwätzä dettä amnä Stand
Motto: «Nie mehr über schlechte Durchsicht klagen ...
immer saubre Brillengläser – die sich nie beschlagen!»
Dr Marcel und dr Ueli hend kei Brillä – dänket s'isch am beschtä
miär tend das Mittel a dä Brillä vu dä Zwilling teschtä
doch wo dr Ramon und dr Raphael vo dr Chälti ad Wäirmi chämä
schiässet's z'mitzt i dr Stubä innä zämä
denn beed hend nimé g'seh – miär säget's hiä
d'Brillä sind beschlagä gsi – wiä vorhär niä
Marcel und Ueli drum säget miär etz iäch bimeid
anrä Plastik-Gilläpumpi vu dr AGRAMA – hättet d'Buäbä sicher Freid...



Dr Epp Gerry tuät sis Huus verchaifä
 Drum gsehsch jetzt dr jung Steiner ufälaifä
 Är tuät ziglä is warmä Tessin
 Und natirlich mit gaht ai sini Prinzessin
 Bis är die ganz War dunnä het bruchts Zit
 Und äs isch bis i d Strass nu cheibä wit
 Bim Rumä isch ziemlich viel firä cho Plunder
 Dr Steiner erläbt nu sis blauä Wunder
 Firä cho sind nu nagelniwi Fensterbänk
 Wo mä nu het miässä aschrubä dank



Ichaifszättlä schribä isch vilfach ä guäti Sach
 I der Regel sind d Mannä da vum Fach
 Vu Fleischvegel uber Gornärächäs bis hi zum Biär
 Dr Senn Christian hed alls üfgeschribä, was meinet ai iär
 Bim Poschtä de nur schen abläsä, miär sägets nur schiich
 Will, liäbs Conny, Ankä und Ankerbiär isch halt nid ganz z Glich




Im Summer hesch es chennä bestunä
 Z'Bumä's vor dr Chilä mit Pinsel und beschter Lunä
 Diä gälb Farb muäss jetzt uf der Teerbodä
 Jetzt fämer a midärä frischä Modä
 Gratis Parkplätz miänt jetzt anä für d Chilägänger
 Oder vilicht ai fir d Ober Chilä-Sänger?
 Miär hoffet dr Bischof bechunts nit mit z Chur
 Susch gahts nit lang und äs staht de ä Parkuhr



**Dr Maler Mattli, jedä kännt nä im Ort
Gaht is Wallis mit dä Elterä fort
Bim Furkaverlad zahlä chamä mit dr Chartä
D Barrierä gaht aber nid uf, sie mend wartä
Go fragä z Fräulein bim Schalter, das muss doch gah
Näi, diä Chartä gaht leider nit da
Da tuädä dr Waldemar de nit gross lobä
Will äs isch diä vom Damm-Parkplatz obä**



**Vieli freiwet sich ufä niw Äxtrazug
Uf Ambri anä Match, immer ä tollä Usflug
Äs choschtet fir allzämä 34 Frankä
Leider halt ai vum Urnerland, mäh seit dankä
Mimä normalä Halbtax bisch mit 10 Stutz drbi
dHauptsach, äs wird uf diä Ussäinnä gluägt, chas ja nid si
epis memmer denä aber sägä und i Vordergrund bringä
äs bringt niämer diä Atmosphärä anä, wiä wenn all tiänt z La Montanara singä**



**Am Kieliger Meini sinä Gartä chat mä bestunä
Obwohl är nit immer het diä beschi Lunä
Im Gartä hets ganz viel verschiedeneni Pflanzä
Gsehsch si immer schen im Wind tanzä
I dr Chilämattä het är gsee scheni Primäli
Trotzdem verhaltet är sich nit wiänäs Ängäli
Ufgfahrä isch dr Bagger fürä Husabriss
Und dr Meini tuät Primäli usgrabä mit Biss
Wo dr Bagger de faht afä Wägä
Gsehsch dr Meini diä Primäli is Unterdorf trägä
Ob diä Bluämä im Unterdorf wachset, weiss dr Lälli nit
Aber wichtig isch, dass äs diä Pflanzä witerhin git**



Im Bächli und z'Abfrutt gits äs nyws Hus
 Da chunt gottswillä ä keinä meh drus
 Nach dem cheibä Corona-Scheiss
 Hent jetzt z'Gammas uf dr Stirn dr Schweiss
 Dr Nwy-Bu isch sicher eppis guäts, i der Tat
 Isch ächt dr Gamma Toni wäg dem us em Gemeinderat?
 Dr Lälli tuet a denä 2 Buherrä das sicher gennä
 Dass sie sich hent ä Traim erfüllä chennä



Chli müsiziärä isch doch epis wärt
 Grad wemä sich sälber mimä Gschänk beschärft
 Ä niiwä Elektro Kontrabass tuäts si
 Üspackt isch är, sogar ä schenä Bogä isch drbi
 Doch der Bass het kei Ton, tuät nid drGlichä
 Ja Rayni, Rosshaar musch zerscht chli mit Wax istrichä



Ds Fraiwä und Meitlischwingä ds Geschenä het afig Tradition
 Ä scheenä Gabätämpel winkt denä Schwingerinnä als Lohn
 Will äs bi derä Schwinget um viel tuät gah
 Zieht das Fäscht zahlrichi Zuschauer a
 Während dä Gäng gaht mängisch ä rüüchä Wind
 Mr fraget iis wer agfrässner isch, d' Elterä oder d Chind!



Zum Tanzä chund är gärä vum Täli firä
 Nur bim Heicho staht dr Käri vor verschlossner Tiirä
 Är riäft unnäufä, doch d Frai ghernt nix
 Lärmä, schittärä doch das isch ai fir d Fix
 Är dänkt, bevor ases faht afä heitärä
 Holänich diä Fiirwehrleitärä
 Irgendwenn doch denu, Gotterbarmä
 D Trix ghernt z chlopfä und riäfä vu dem Armä
 Schlussämänd zimli miädä iz Bett glägä
 Heiger de ai nimmä wellä guät Nacht sägä
 D Frai hät diär offä glah, si cha nid drfir
 Ds Serviärmeitli het nämli bschlossä diä Tir



Äs Sudoku machä erregt alli Sinnä
 Erscht rächt wemmä nu epis schens cha gwinnä
 Ai Geschner Vättärä mached da gärä mit
 De blibt mä geischtig ai nu zimli fit
 Grad mit dri Meitli tuäts ai idr Migros ä hüfä choschtä
 Dr Lälli wyscht am Marco Epp jedäfall vil Spass bim Poschtä



| | | | | | | |
|---|---|---|---|---|---|---|
| 4 | 5 | | | | 6 | 9 |
| 8 | | | 4 | | | 1 |
| | 2 | 9 | 7 | 4 | | |
| | 8 | 2 | 4 | 1 | | |
| 7 | | | | | | 3 |
| | 3 | 7 | 8 | 6 | | |
| | 5 | 1 | 9 | 2 | | |
| 9 | | | 8 | | | 7 |
| 7 | 8 | | | | 4 | 3 |

Sudoku

2x100 Franken zu gewinnen

Füllen Sie die leeren Felder mit den Zahlen 1 bis 9. Dabei darf jede Zahl in jeder Zeile, jeder Spalte und in jedem der neun 3x3-Blöcke nur ein Mal vorkommen. Die Lösungszahl ergibt sich aus den orangen Feldern von links nach rechts.

Sudoku Lösung Nr. 3

4 6 2

Gewinner Nr. 2

Marco Epp,
 Göschenen UR;
 Sandra Kunz,
 Le Locle NE



So nehmen Sie teil:

Tel.: 0901 000 844 (Fr. 1.-/Anruf)

SMS: Senden Sie MMD4, Lösungszahl, Namen und Adresse an 3113 (Fr. 1.-/SMS). Bsp.: MMD4 123, Hans Muster, Musterweg 22, 8000 Musterdorf

Internet: www.migmag.ch/sudoku (kostenlos)



D lifäldcrew chad uf d Geschner zellä
 Sogar dr Banholzer Andy tuät nä ä Fräsi stellä
 Är poschtet ä frischi, chli ä gresseri setts si
 Nur wo si cho isch, isch diä Häx natirli zchli
 Nagschmal gnaier luägä hätti mä sellä
 De miässt mä nid nachäsecklä und zweimal bschtellä
 Doch Andy, denä vum lifäld isches dra glägä
 Diär äs grosses DANKÄ z sägä



danke!



Ä Geschner Fangruppä macht sich parat
 Firnä's schens Konzärt à la Vaiiolet's Art
 Das isch ä lässi Tiroler Müsigruppä
 Diä tent sich als ächti Fäschter entpuppä
 Ai z Fedierä sind det mit drbi
 Schunklet mit, so muäses si



Dr Peter het de sogar ä frischä Kolleg gfundä
 Keinä weiss wo harr är isch, d Haiptsach är het äs Hawaiihamli umbundä
 Aber epis stimmt gliich nid mit dem, seit dr Peter und lacht
 Der het dr ganz Namittag sich nid verrot, kei Bewegig gmacht.



Dr Schädler Gushti derf ai nid fählä, sonä tollä
 Nur hed är nach 20 Videos und 80 Bilder, natirli dr Speicher scho widr vollä

Dr Sänn Kari het nu eppä diä dr Liam drbi
 So isch es ai einisch im Rössli bim Kaffee gsi
 Dr Liam cha nimmä ruhig hockä, strotzt nur so vor Energie
 Gaht is chliinä Säali und macht d Tiirä zuä
 D Kafferundi cha wieder diskutierä, und das in Ruäh
 D Serviertochter, ja diä tuet numä frindlich lachä
 Seit, lah du dr Liam dett hinnä nur la machä
 Nach 10 Minutä gaht die Tiirä wieder uf
 Am Kari nimmt äs schier dr Schnuuf
 Am Liam sini Händ sind vollä Salz
 Dr Grossdädi schimpft, brchunt ä dickä Halz
 Das chlinä Schlitzohr weiss immer eppis ds machä
 Het ds ganze Salz uf dä Tischä verteilt und tuet nu hämisch lachä



I Ziitä vo Pandemiä und Chriäg isch Humor doch gsund
 Drum nähmets nit persönlich, ds Läbä muess wiiter gah
 Wenn eppis über iich im Lälli innä tuät stah
 Es zeigt doch eis, dass isers Dorf läbt
 Das immer eppis laift und ds Läbä hiä fägt
 Und wennis de glich epper nit mag gliidä
 De gähndem e alti Kaffeemili ds triibä
 Gniäset d Fasnacht und nähmet eis a dr Bar
 Ds Lälli Team seit Danke! Bis im negschtä Jahr



Inserate

Wir bieten

Durchgehend kalte
Speisen.
Geöffnet 7x24h

Kantinenteam

Chiffre: 26473

Ich biete

Ich helfe Ihnen Texte zu
verfassen, damit auch Sie
mal einen Urner
Medienpreis erhalten.

M. T-R.

Chiffre: 39025

Wir suchen

Jemanden der die Home-
Page von Göschenen mit
den Ressorts der
Gemeinderäte ergänzt.

Gemeinderat

Chiffre: 17648

Ich biete

Kinderhüteservice
Montag bis Freitag.

A.W.

Chiffre: 47698

Wir bieten

Weihnachtsbeleuchtung
für Kandalaber.
Werde wegen Energie-
sparen nicht mehr gebraucht.

Gemeinderat

Chiffre: 39856

Wir bieten

Weckservice mittels
Sprengung.
Besuchen Sie:
www.weckmichmitkaboom.ch

ASTRA

Chiffre: 18790

Auch dein Inserat könnte hier stehen.